

Broj: 03-017-2801/2021
Bihać, 01.04.2021. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

PRIMLJENO			
Organizacija	Kvalifikaciona oznaka	Reduktor	Broj prijema
017-69-1-01-15/21			

SKUPŠTINA UNSKO-SANSKOG KANTONA

PREDMET: Informacija o stanju maloljetničke delikvencije na području Unsko-sanskog kantona za 2020. godinu, dostavlja se;-

Na osnovu člana 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Informacija o stanju maloljetničke delikvencije na području Unsko-sanskog kantona za 2020. godinu, uz sljedeće:

O b r a z l o ž e n j e

Vlada Unsko-sanskog kantona je na sjednici održanoj dana 01.04.2021. godine razmatrala i Zaključkom broj: 03-017-2801/2021 primila na znanje Informaciju o stanju maloljetničke delikvencije na području Unsko-sanskog kantona za 2020. godinu, obrađivača Ministarstva unutrašnjih poslova i ista Vam se dostavlja na razmatranje.

S poštovanjem,

Prilog: - Informacija o stanju maloljetničke delikvencije na području Unsko-sanskog kantona za 2020. godinu (6x)

Dostavljeno:
1.Naslovu
2.a/a



PREMIJER KANTONA
mr.sci. Mustafa Ružnić



Na osnovu člana 16. Zakona o Vladi Unsko-sanskog kantona ("Službeni glasnik Unsko-sanskog kantona", broj 5/08), na prijedlog Ministarstva unutrašnjih poslova, Vlada Unsko-sanskog kantona na sjednici održanoj dana 01.04. 2021. godine, d o n o s i

ZAKLJUČAK

I

Prima se na znanje Informacija o stanju maloljetničke delikvencije na području Unsko-sanskog kantona za 2020. godinu i ista se dostavlja Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-2801/2021
Bihać, 01.04.2021. godine



**BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA**



**BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR**

UPRAVA POLICIJE

Broj: 05-04/04-1-30 / 20
Dana, 22.03.2021.godine

I N F O R M A C I J A

**O STANJU MALOLJETNIČKE DELIKVENCije
NA PODRUČJU UNSKO-SANSKOG KANTONA
ZA 2020. GODINU**

Bihać, mart 2021. godine

SADRŽAJ

I	UVOD	3
II	AKTIVNOSTI POLICIJE	3
III	STANJE MALOLJETNIČKE DELIKVENCije NA PODRUČJU USK-a	5
	A - Stanje kriminaliteta u periodu 2016. - 2020. godina	5
	B - Stanje kriminaliteta u 2020. godini	7
	C - Prekršaji počinjeni od strane maloljetnika u 2020.godini	15
	D - Ostale aktivnost vezane za maloljetničku delikvenciju u 2020.godini	17
	E - Opremljenost i uslovi rada sa maloljetnicima	18
IV	OCJENA STANJA MALOLJETNIČKE DELIKVENCije	19
V	PRIJEDLOG MJERA	21

I – UVOD

Uprave policije MUP USK-a kontinuirano provodi aktivnosti vezane za maloljetničku delikvenciju koja predstavlja društveni problem, naročito u zemljama, u tranziciji, kakva je i BiH. Prema izvještajima drugih zemalja, ovakva ponašanja maloljetnih lica prisutna su i u razvijenim i nerazvijenim državama na svim kontinentima i sa demokratskim i sa nedemokratskim sistemom i ustrojem vlasti, u različitim kulturama, religijskoj pripadnosti ili svjetonazorima.

Ona obuhvata teže oblike asocijalnog, antisocijalnog i kriminalnog ponašanja, a delikventima se smatraju osobe koje ne žive u skladu sa moralnim i fizičkim normama društva i koji su zbog toga povremeno ili trajno u konfliktu sa zakonima. Uže shvatanje maloljetničke delikvencije se oslanja na ona ponašanja koja su inkriminisana u važećem krivičnom zakonodavstvu, a koja predstavljaju krivično djelo.

Prilikom razmatranja maloljetničke delikvencije potrebno je imati u vidu manju svjesnost maloljetnika u odnosu na odrasle o posljedicama vlastitih postupaka, prouzrokovan dobnom nezrelošću.

Međutim i dalje treba imati u vidu brojne rizike kojima su izloženi maloljetnici (prepuštenost mnoge djece sebi samima, gubitak roditelja, nemogućnost školovanja po vlastitom izboru, prisutnost droga i alkohola, blizina kladionica ili objekata sa alkoholnim pićima uz školske objekte, štetni utjecaji medija i interneta itd).

Kada je riječ o implementaciji Zakona o zaštiti i postupanju sa djecom i maloljetnicima u krivičnom postupku (Službene novine F BiH broj:7/14) potrebno je istaći da je Uprava policije MUP-a USK, a skladu sa navedenim Zakonom u 2017.godine kroz svoju unutarnju organizaciju osnovala Odsjek za maloljetničku delikvenciju, seksualne delikte i nasilje u porodici pri Sektoru kriminalističke policije, u kojem policijski službenici pored drugih nadležnih poslova i zadataka poduzimaju radnje u okviru prevencije u borbi protiv maloljetničke delikvencije (održavanje radionica po odgojno-obrazovnim ustanovama, koordinacija u radu policijskih stanica sa drugim institucijama koje se bave ovom problematikom, edukacija policijskih službenika i dr.).

Ova informacija je sačinjena sa stanovišta lokalne policije značajno je napomenuti da je za sveobuhvatno razmatranje problematike maloljetničke delikvencije neophodno pribaviti podatke i ostalih nadležnih institucija na USK, odnosno Ministarstva obrazovanja, nauke, kulture i sporta, Ministarstva pravde, pravosudnih organa, službi socijalne zaštite, raznih organizacija, uključujući nevladine i međunarodne.

Krivično i prekršajno zakonodavstvo ne čine odgovornim maloljetnike do 14 godina starosti, pa su u ovoj Informaciji obuhvaćena lica starosne dobi od 14-18 godina, kategorisana kao mlađi maloljetnici (14-16) i stariji maloljetnici (16-18).

II AKTIVNOSTI POLICIJE

U promatranom periodu kontinuirano se provede razne aktivnosti policije kada je u pitanju maloljetničko prestupništvo koje se većinom zasnivaju na prevenciji kroz pozoričko – patrolnu djelatnost, aktivnost policajaca zaduženih za rad u zajednici (RPZ policajci), rad vođa sektora, kvalitetnije planiranje i preventivno prisustvo policije na mjestima i žarištima maloljetnog kriminala,

prisustvo policije u blizini škola i na frekventnim raskrscima, pažljiv i profesionalan rad sa maloljetnim osobama, saradnju sa raznim organizacijama, uključujući i međunarodne itd.

Rad policije, sa maloljetnim delikventima, te njihov odnos prema maloljetnicima odvija se u skladu sa zakonskim i drugim propisima, uključujući i međunarodne konvencije, počev od lišavanja slobode kada su za to ispunjeni uslovi, obaveznog obavještanja i pozivanja roditelja (staratelja) maloljetnog lica, obavještanje centra za socijalni rad, ukoliko maloljetnik pohađa školu i direktora i pedagoga, obavljanje službenih razgovora uz prisustvo roditelja ili staratelja, a u slučaju opravdanog odsustva uposlenika centra za socijalni rad, odvajanje maloljetnika lišenih slobode od punoljetnika itd., a sve u cilju zaštite prava maloljetnih lica.

Postupanje i zaštita maloljetnih lica u krivičnom postupku, kao i krivičnopravne sankcije prema istima propisano je Krivičnim zakonom Federacije BiH („Službene novine F BiH“, broj:3/03, 32/03, 37/03, 54/04, 61/04, 30/05, 55/06, 32/07, 8/10, 42/11, 59/14, 76/14), Zakonom o krivičnom postupku F BiH („Službene novine F BiH“, broj:35/03 i 59/14), Zakonom o prekršajima Federacije BiH („Službene novine F BiH“, broj:63/14), Zakonom o zaštiti i postupanju sa djecom i maloljetnicima u krivičnom postupku F BiH („Službene novine F BiH“, broj:7/14) i Zakonom o mladima Federacije BiH („Službene novine F BiH“, broj:36/10).

Zapažanja ukazuju da je u većini slučajeva maloljetnog prestupništva izostao neophodan nadzor od strane roditelja ili staratelja što je i najčešći uzrok maloljetničke delikvencije na ovom kantonu. Nisu zanemarljivi ni negativni uticaji i štetne informacije medija i interneta, gdje se nasilje prikazuje kao sredstvo za ostvarenje cilja, što jedan dio maloljetnika opredjeljuje da krši zakon. Složeno ekonomsko – socijalno stanje, velika nezaposlenost, porast siromaštva i sve veći broj porodica koje su zapale u finansijske probleme, izloženost opasnostima i ostalim oblicima socijalnog uticaja, sve veće prisustvo raznih opijata, promjena tradicionalne uloge porodice i sl. ima za posljedicu slabljenje brige za maloljetnike, koji su nerijetko prepušteni sami sebi, bez adekvatne kontrole, prvenstveno porodice, i kao takvi čine prekršaje, ali i krivična djela.

Mladima se treba više baviti, osigurati im dobre uslove, prostor i mogućnosti da se bave sportom, muzikom, rekreacijom i da racionalno koriste svoje slobodno vrijeme. Treba im ponuditi zanimljive i atraktivne sadržaje, maksimalno ih okupirati tako da nemaju potrebu upuštati se u činjenje krivičnih djela ili prekršaja. Okupiranost mladih dobro osmišljenim, zanimljivim, zdravim i konstruktivnim aktivnostima najbolja je prevencija prijestupništva, delikvencije, devijacija, a dosada njihov najjači uzročnik.

Roditelji, predškolske i škole ustanove, kao i društvo u cjelini bi morali voditi stalnu brigu, odgojno djelovati i provoditi prevenciju od najranijeg djetinjstva, a ne samo kad se uoče smetnje i poremećen psihosocijalni razvoj djeteta. Iz do sada procesuiranih slučajeva i saznanja možemo zaključiti da je nedostatak brige za djecu, koja su izložena brojnim rizicima i najčešći uzrok maloljetničke delikvencije na USK, a i šire. Ne poduzmu li se pravovremene i učinkovite preventivne mjere, te mjere preodgoja, resocijalizacije i rehabilitacije, ti mladi ljudi će jednoga dana postati pravi kriminalci, posebno ako dođu pod utjecaj odraslih kriminalnih osoba, kod kojih će izučiti "zanat" i za koje će "raditi", jer oni ih lažnim obećanjima o lagodnom životu, zabavi, provodu, vješto uvlače u svoj prljavi posao, nemilosrdno ih zloupotrebljavaju i iskorištavaju. Zato i kažemo da je sprega maloljetnih delikvenata s odraslim kriminalcima najopasniji oblik kriminaliteta. Zadaća policije je otkrivanje tih kriminalnih osoba, njihovo sprečavanje i onemogućavanje da djecu i mladež uvlače i uvode u kriminalne aktivnosti.

Kada su u pitanju materijalni resursi Uprave policije MUP USK, treba istaći da nema namjenskih prostorija za rad sa maloljetnicima, niti posebnih prostorija za zadržavanje maloljetnih prestupnika, već se maloljetni prestupnici zadržavaju u kancelarijama i čuvaju se pod nadzorom policijskih službenika, a njihovo zadržavanje je minimalno, osim kada se radi o teškim krivičnim djelima.

I pored poduzetih preventivnih mjera, važno je istaći da se policija i dalje uglavnom susreće sa posljedicama devijantnog ponašanja maloljetnika koji su pod rizikom da dođu u sukob sa zakonom ili su već u sukobu.

III - STANJE MALOLJETNIČKE DELIKVENCije

A – Stanje kriminaliteta u periodu 2016 – 2020. godina

Analitički i statistički podaci ukazuju da je maloljetnička delikvencija u raznovrsnim oblicima prisutna i na USK. U periodu 2016.- 2020. godina na području Unsko sanskog kantona maloljetnici su počinili 231 krivično djelo, što čini godišnji prosjek od 46 KD. Ova krivična djela počinilo je 286 maloljetnika, a što čini godišnji prosjek od 57 maloljetnika. U ukupnom broju krivičnih djela u navedenom periodu (7511) maloljetni kriminal prosječno učestvuje sa 3,1 %, što je u granicama prosjeka većine evropskih zemalja (3 % do 10 %). U ukupnom broju prijavljenih lica (7601) u navedenom periodu maloljetni počinioci učestvuju sa 3,8 %.

Maloljetnici su najmanje krivičnih djela počinili 2020. godine (36 KD), a najviše krivičnih djela počinjeno je 2019.godine (58), kada je također evidentirano najveći broj maloljetnih počinitelja (78). Najmanji broj maloljetnih počinitelja (38), odnosno najniži procenat maloljetnih počinitelja (2,6 %), u odnosu na ukupne počinioce KD evidentiran je 2020.godine.


TABELARNI PRIKAZ MALOLJETNIČKE DELIKVENCije 2016. – 2020. GODINE

GODINA	BROJ KD	UKUPNO POČINIOCA	14-16 GODINA	16-18 GODINA	MALOLJETNI POVRATNICI
2016.	39	48	9	35	4
2017.	58	71	17	47	7
2018.	40	51	12	26	13
2019.	58	78	11	1	66
2020.	36	38	5	20	13
2016.-2020.	231	286	54	129	103

Zanimljivo je uporedbom 2020. sa 2016. godinom gdje je evidentno smanjen broj krivičnih djela za 3 (ili 7,7 %), počinitelja za 10 (ili 20,8 %), mlađih maloljetnika za 4 (ili 44,4 %), starijih maloljetnika za 15 (ili 42,9 %), a povećanje maloljetnih povratnika za 9 ili 100 %.

Iz tabele je vidljivo da su u navedenih pet godina najčešći počinioci krivičnih djela stariji maloljetnici 129 ili 45 %, zatim maloljetni povratnici u vršenju krivičnih djela 103 ili 36 %, te mlađi maloljetnici 54 ili 19 %.

**Grafički prikaz kretanja broja KD koje su počinili maloljetnici
i broj maloljetnih počinitelja (2016.-2020.)**



Tabelarni pregled po vrsti krivičnih djela (2016-2020).

<i>NAZIV KD</i>	2016.	2017.	2018.	2019.	2020.
Ubistvo				1	
Ubistvo u pokušaju		1			
Učestvovanje u tuči					1
TTP	1	2	1	2	
LTP	2	4	7	3	3
Ugrožavanje sigurnosti				2	1
Narušavanje nepovredivosti doma	1	1			
Neovlašteno optičko snimanje		1			
Silovanje					1
Silovanje (pokušaj)		1			
Spolni odnošaj s djetetom		1			
Rodoskrvnuće				1	
Bludne radnje				1	
Iskorišt.djeteta ili malolj.radi pornografije				1	
Nasilje u porodici	2	1	2		2
Posjedovanje i omog.uživanja op.droga	1	3	2	2	3
Neovl.proizv.i stavlj.u promet opojnih droga	2	1	2		1
Teške krađe	11	12	16	18	10
Krađa	9	12	4	8	5
Razbojništvo	2	3	1	5	1
Oštećenje tuđe stvari	1	5	2	2	
Utaja		1			
Prijevvara				1	
Paljevina	1	2			
Oduzimanje tuđe pokretnine		1		4	
Šumska krađa	1	1		1	1
Izazivanje opće opasnosti			1	1	
Teška KD protiv sigurnosti ljudi i imovine				1	
Teška KD protiv sigurnosti javnog prometa	3			1	
Lažno prijavljivanje					1
Nasilničko ponašanje	1	5	2	1	6
Napad na sl.osobu u vrš.sl.radnji				1	
Lažno predstavljanje				1	
Krivotvorenje novca	1				
UKUPNO	39	58	40	58	36

Iz strukture krivičnih djela u navedenom vremenskom periodu je vidljivo da se maloljetni počinioci pojavljuju i kao počinioci najtežih krivičnih djela, kao što je „Ubistvo“, „Ubistvo u pokušaju“, „Teška tjelesna ozljeda“, „Lahka tjelesna ozljeda“, „Učestvovanje u tuči“, „Ugrožavanje sigurnosti“, „Narušavanje nepovredivosti doma“, „Neovlašteno optičko snimanje“, „Silovanje“, „Silovanje u pokušaju“, „Spolni odnošaj s djetetom“, „Rodoskrvnuće“, „Bludne radnje“, „Iskorištavanje djeteta ili maloljetnika radi pornografije“, „Nasilje u porodici“, „Posjedovanje i omogućavanje uživanja opojnih droga“, „Neovlaštena proizvodnja i stavljanje u promet opojnih droga“, „Teška krađa“, „Krađa“, „Razbojništvo“, „Oštećenje tuđe stvari“, „Utaja“, „Prijevaram“, „Paljevina“, „Oduzimanje tuđe pokretnine“, „Šumska krađa“, „Izazivanje opće opasnosti“, „Teška KD protiv sigurnosti ljudi i imovine“, „Teška KD protiv sigurnosti javnog prometa“, „Lažno prijavljivanje“, „Lažno predstavljanje“, „Nasilničko ponašanje“, „Napad na službenu osobu u vršenju službenih radnji“ i „Krivotvorenje novca“. Dominantni su imovinski delikti, gdje su maloljetnici počinili 137 KD ili 59,3 % od ukupnog broja KD počinjenih od strane maloljetnika.

Sa sigurnosnog aspekta posebno je interesantno ekstremno i svirepo ubistvo u noći 21/22.03.2019. godine kada su oko 01,00 sati malodobni Š. T., sin Enesa, rođen 2003.godine, u Bihaću stalno nastanjen u Velikoj Kladaši i malodobni Đ. E., sin Muhameda, rođen 2003.godine, u Velikoj Kladaši, stalno nastanjen u mjestu Šumatac, općina Velika Kladaša, uz upotrebu hladnog oružja, metalnih odvijača, zadali više udaraca po tijelima bračnog para Đ.S. (rođ.1944.g.) i Đ. F. (rođ.1949.g.), uslijed čega je kod istih nastupila smrt.

B – Stanje kriminaliteta u 2020. godini

Na području Unsko – sanskog kantona u 2020.godini zabilježeno je smanjenje maloljetničke delikvencije. Evidentirano je 36 krivičnih djela koja su počinili maloljetnici, što je u poređenju sa 2019. godinom (58) manje za 22 krivična djela ili 37,9 %.


Ova krivična djela počinilo je 38 krivično odgovornih maloljetnika (manje za 40 ili 51,3 %), od čega 5 mlađih maloljetnika koji se prvi put pojavljuju kao počinioci KD (manje za 24 ili 82,8 %), 20 starijih maloljetnika koji se prvi put pojavljuju kao počinioci KD (manje za 17 ili 46 %), 8 maloljetnih povratnika u vršenju KD starosne dobi od 14-16 godina (manje za 3 ili 27,3 %) i 5 maloljetnih povratnika u vršenju KD starosne dobi od 16-18 godina (više za 4 ili 100 %).

Smanjen je broj maloljetnika koji su lišeni slobode u skladu sa zakonom za 11 ili 78,6 %. Po polnoj strukturi 37 ili 97 % su muški, a u 1 ili 3 % ženski počinioci.

UPOREDNI PODACI MALOLJETNIČKOG PRESTUPNIŠTVA ZA 2020. I 2019. GODINU

	Broj KD	Broj prijavljenih maloljetnika	POLNA STRUKTURA		Maloljetnici koji se prvi put pojavljuju kao počinioci KD		Maloljetni povratnici		Broj maloljetnika lišenih slobode
			M	Ž	14-16 godina	16-18 godina	14-16 godina	16-18 godina	
2020.godina	36	38	37	1	5	20	8	5	3
2019.godina	58	78	75	3	29	37	11	1	14
Razlika + -	-22	-40	-38	-2	-24	-17	-3	+4	-11
Razlika + / - %	-37,9	-51,3	-50,7	-66,7	-82,8	-46	-27,3	+100	-78,6

grafički prikaz strukture prijavljenih maloljetnika



Maloljetnici su u 2020. godini počinili 2,5 % ukupno evidentiranih krivičnih djela, a u ukupnom broju počinioca učestvuju sa 2,6 %. U 2019. godini maloljetnici su počinili 3,4 % krivičnih djela, a u ukupnom broju počinitelja učestvovali su sa 4,6 %, što znači da je u 2020. godini došlo do smanjenja procenta evidentiranih krivičnih djela koja su počinjena od strane maloljetnih počinitelja i učešća maloljetnika u ukupnom broju počinitelja.

PREGLED BROJA KD I POČINILACA PO MJESECIMA SA STAROSNOM I POLNOM STRUKTUROM

	Broj KD	Broj prijavljenih maloljetnika	POLNA STRUKTURA		Maloljetnici koji se prvi put pojavljuju kao počinioci KD		Maloljetni povratnici		Broj malolj. Lišenih slobode	Broj malolj. Zadržan zbog KD
			M	Ž	14-16 godina	16-18 godina	14-16 godina	16-18 godina		
JANUAR	5	5	5			5			1	
FEBRUAR	9	12	11	1	5	2	2	3		
MART	6	6	6				5	1	1	
APRIL	1	1	1					1		
MAJ	2	2	2			2				
JUNI	3	2	2			1	1			
JULI	3	3	3			3			1	
AUGUST	1	1	1			1				
SEPTEMBAR	2	2	2			2				
OKTOBAR	3	3	3			3				
NOVEMBAR										
DECEMBAR	1	1	1			1				
UKUPNO 2020.	36	38	37	1	5	20	8	5	3	0
UKUPNO 2019.	58	78	75	3	29	37	11	1	14	19
TREND +/-	-22	-40	-38	-2	-24	-17	-3	+4	-11	-19
TREND %	-37,9	-51,3	-50,7	-66,7	-82,8	-45,9	-27,3	+100	-78,6	-100

Tabelarni pregled po vrsti krivičnih djela za 2020. i 2019. godinu

r/b	NAZIV KD	BROJ KD	
		2020.	2019.
1.	Ubistvo		1
2.	Učestvovanje u tuči	1	
3.	TTP		2
4.	LTP	3	3
5.	Ugrožavanje sigurnosti	1	2
6.	Rodoskrvnuće		1
7.	Silovanje	1	
8.	Iskorišt.djeteta ili malolj.radi pornografije		1
9.	Bludne radnje		1
10.	Nasilje u porodici	2	
11.	Posjedovanje i omog.uživanja op.droga	3	2
12.	Neovlaš.proiz.i stavlj.u prom.op.droga	1	
13.	Teške krađe	10	18
14.	Krađa	5	8
15.	Razbojništvo	1	5
16.	Oštećenje tuđe stvari		2
17.	Prijevvara		1
18.	Izazivanje opće opasnosti		1
19.	Teška KD protiv sigur. ljudi i imovine		1
20.	Oduzimanje tuđe pokretnine		4
21.	Šumska krađa	1	1
22.	Teška KD protiv sigur. javnog prometa		1
23.	Lažno prijavljivanje	1	
24.	Nasilničko ponašanje	6	1
25.	Napad na OSL		1
26.	Lažno predstavljanje		1
UKUPNO		36	58

Maloljetni počinioci u 2020. godini pojavljuju se kao počinioci kod 13 vrsta KD, što je u odnosu na 2019.godinu (21 vrsta KD) evidentno smanjenje za 8 ili 38 %.

Maloljetnici se u 2020.godini pojavljuju kao počinioci kod slijedećih krivičnih djela: lahka tjelesna povreda (3), učestvovanje u tuči (1), ugrožavanje sigurnosti (1), silovanje (1), nasilje u porodici (2), neovlaštena proizvodnja i stavljanje u promet opojnih droga (1), posjedovanje i omogućavanje uživanja opojnih droga (3), teška krađa (10), krađa (5), razbojništvo (1), šumska krađa (1), lažno prijavljivanje (1), nasilničko ponašanje (6).

U strukturi krivičnih djela počinjenih od strane maloljetnika i dalje su najbrojniji imovinski delikti, od čega dominiraju teške krađe (10), krađe (5) i razbojništva (1) koji zajedno čine 44,4 % krivičnih djela koja su počinili maloljetnici.

U odnosu na 2019. godinu porast je zabilježen kod krivičnih djela „Učestvovanje u tuči“-za 1, „Silovanje“-za 1, „Nasilje u porodici“-za 2, „Neovlaštena proizvodnja i stavljanje u promet opojnih droga“ –za 1, „Posjedovanje i omogućavanje uživanja opojnih droga“- za 1, „Lažno prijavljivanje“-za 1 i „Nasilničko ponašanje“-za 5.

Smanjenje je zabilježeno kod krivičnih djela „Ubistvo“ -za 1, „Teška tjelesna ozljeda“ -za 2, „Ugrožavanje sigurnosti“ -za 1, „Rodoskrvnuće“ -za 1, „Iskorištavanje djeteta ili maloljetnika radi pornografije“ -za 1, „Bludne radnje“ -za 1, „Teška krađa“ -za 8, „Krađa“ -za 3, „Razbojništvo“ -za 4, „Oštećenje tuđe stvari“ -za 2, „Prijevара“ -za 1, „Izazivanje opće opasnosti“ -za 1, „Teška KD protiv sigurnosti ljudi i imovine“ -za 1, „Oduzimanje tuđe pokretne“ -za 4, „Teška KD protiv sigurnosti javnog prometa“ -za 1, „Napad na službenu osobu u vršenju poslova sigurnosti“ -za 1 i „Lažno predstavljanje“ -za 1. Identično stanje je zabilježeno kod krivičnih djela „Lahka tjelesna ozljeda“ i „Šumska krađa“.


UPORENI POKAZATELJI PO OPĆINAMA (BROJ KRIVIČNIH DJELA)

GRAD / OPĆINA	2020. godina	2019. godina	RAZLIKA	
			+ -	%
BIHAĆ	13	6	+7	+100
B.PETROVAC	0	1	-1	-100
CAZIN	14	14	=	=
S.MOST	1	8	-7	-87,5
KLJUČ	3	6	-3	-50
V.KLADUŠA	3	14	-11	-78,6
B.KRUPA	1	5	-4	-80
BUŽIM	1	4	-3	-75
UKUPNO	36	58	-22	-37,9

Iz tabele je vidljivo da je najviše krivičnih djela počinjenih od strane maloljetnika evidentirano u Gradu Cazinu (14) i Gradu Bihaću (13), što čini 75 % od ukupno počinjenih KD.

Do smanjenja broja krivičnih djela došlo je na području općine Bužim (za 3 ili 75 %), općine Sanski Most (za 7 ili 87,5 %), općine Ključ (za 3 KD ili 50 %), općine Velika Kladuša (za 11 ili 78,6 %), općine Bosanska Krupa (za 4 ili 80 %) i općine Bosanski Petrovac (za 1 ili 100 %), do povećanja je došlo na području Grada Bihaća (za 7 ili 100 %), a identično stanje je na području Grada Cazina.

grafički prikaz broja krivičnih djela po gradovima / općinama USK za 2020. i 2019. godinu




UPOREDNI POKAZATELJI PO MJESECIMA BROJA KRIVIČNIH DJELA

MJESEC	2020. godina	2019. godina	RAZLIKA	
			+ -	%
JANUAR	5	5	=	=
FEBRUAR	9	3	+6	+100
MART	6	5	+1	+20
APRIL	1	2	-1	-50
MAJ	2	3	-1	-33,3
JUNI	3	5	-2	-40
JULI	3	7	-4	-57
AUGUST	1	4	-3	-75
SEPTEMBAR	2	7	-5	-71,4
OKTOBAR	3	8	-5	-62,5
NOVEMBAR	0	7	-7	-100
DECEMBAR	1	2	-1	-50
UKUPNO	36	58	-22	37,9

U 2020. godini maloljetnici su najviše krivičnih djela počinili u mjesecu februaru (9) i martu (6), a najmanje u aprilu, augustu i decembru (po 1), a u 2019. godini najviše krivičnih djela su počinili u mjesecu oktobru (8) i julu, septembru i novembru (po 7), a najmanje u aprilu (2) i decembru (2), tako da nema pravila, već podaci osciliraju od mjeseca do mjeseca. U mjesecu novembru nisu evidentirana krivična djela počinjena od strane maloljetnika.

grafički prikaz kretanja broja KD koja su počinili maloljetnici
po mjesecima za 2020 / 2019. godinu




UPOREDNI POKAZATELJI POČINILACA PO GRADOVIMA/ OPĆINAMA

BROJ POČINILACA PO OPĆINAMA/GRADOVIMA	2020. godina	2019. godina	RAZLIKA		RAZLIKA %
			+	-	
BIHAĆ	13	7	+6		+85,7
B.PETROVAC	0	1	-1		-100
CAZIN	17	19	-2		-10,5
S.MOST	1	11	-10		-91
KLJUČ	3	6	-3		-50
V.KLADUŠA	2	19	-17		-89
B.KRUPA	1	10	-9		-90
BUŽIM	1	5	-4		-80
UKUPNO	38	78	-40		-51,3

Iz tabele je vidljivo da je najviše maloljetnih počinitelja evidentirano na području Grada Cazina (17) i Grada Bihaća (13), što čini 79 % od ukupnog broja prijavljenih maloljetnih počinitelja.

Do smanjenja broja maloljetnih počinitelja došlo je na području Grada Cazina (za 2 ili 10,5 %), općine Velika Kladuša (za 17 ili 89 %), općine Bužim (za 4 ili 80 %), općine Bosanska Krupa (za 9 ili 90 %), općine Ključ (za 3 ili 50 %), općine Sanski Most (za 10 ili 91 %) i općine Bosanski Petrovac (za 1 ili 100 %), a do povećanja je došlo samo na području Grada Bihaća (za 6 ili 85,7 %).

grafički prikaz broja počinitelja po gradovima/ općinama USK za 2020. i 2019. godinu




UPOREDNI POKAZATELJI POČINILACA PO MJESECIMA

BROJ POČINILACA PO MJESECIMA	2020. godina	2019. godina	RAZLIKA		RAZLIKA %
			+	-	
JANUAR	5	9	-4		-44,4
FEBRUAR	12	3	+9		+100
MART	6	8	-2		-25
APRIL	1	4	-3		-75
MAJ	2	4	-2		-50
JUN	2	8	-6		-75
JULI	3	8	-5		-62,5
AUGUST	1	5	-4		80
SEPTEMBAR	2	7	-5		-71
OKTOBAR	3	12	-9		-75
NOVEMBAR	0	8	-8		-100
DECEMBAR	1	2	-1		-50
UKUPNO	38	78	-40		-51,3

Tokom 2020. godine, promatrano po mjesecima, najveći broj počinilaca evidentiran je u februaru (12) i martu (6), a najmanje u aprilu, augustu i decembru (po 1), dok je u 2019. godini najveći broj počinilaca evidentiran u oktobru (12) i januaru (9), a najmanji u decembru (2), tako da i broj maloljetnih počinilaca oscilira od mjeseca do mjeseca.

**grafički prikaz kretanje broja maloljetnih počinilaca po mjesecima
za 2020 / 2019. godinu**



Tokom 2020. godine policijski službenici su, pridržavajući se odredaba Zakon o zaštiti i postupanju sa djecom i maloljetnicima u krivičnom postupku i Pravilnika o primjeni mjera policijskog upozorenja izrekli 1 mjeru policijskog upozorenja prema maloljetnicima koji su počinili krivično djelo. Evidentno je smanjenje broja mjera policijskog upozorenja prema maloljetnicima za 9 ili 90 % slučajeva (u 2019. godini 10 mjera policijskog upozorenja prema maloljetnicima).

Ukupno 3 maloljetnika lišena su slobode u skladu sa Zakonom o krivičnom postupku, nije bilo maloljetnika koji su zadržani zbog počinjenih krivičnih djela.

U izvještajnom periodu nisu evidentirana KD čiji su počinioci djeca starosti do 14 godina, a koja nisu krivično odgovorna.

Struktura krivičnih djela po mjesecima

Vrsta KD	I	II	III	IV	V	VI	VII	VIII	IX	X	XI	XII	Ukupno
Učestvovanje u tuči										1			1
Nanošenje LTP					1		2						3
Ugrožavanje sigurnosti		1											1
Silovanje			1										1
Nasilje u porodici	1					1							2
Posjedovanje i omogućavanje uživanja opojnih droga	1				1				1				3
Neovlaštena proizvodnja i stavljanje u promet op.droga										1			1
Teška krađa		2	4	1		1		1		1			10
Krađa	1	3				1							5
Razbojništvo	1												1
Šumska krađa									1				1
Lažno prijavljivanje		1											1
Nasilničko ponašanje	1	2	1				1					1	6
UKUPNO	5	9	6	1	2	3	3	1	2	3		1	36

Struktura krivičnih djela po gradovima/općinama

Vrsta KD	Bihać	Petorvac	Cazin	Sana	Ključ	Kladuša	Krupa	Bužim	Ukupno
Učestvovanje u tuči	1								1
Nanošenje LTP	1		1		1				3
Ugrožavanje sigurnosti	1								1
Silovanje	1								1
Nasilje u porodici	1			1					2
Posjedovanje i omogućavanje uživanja opojnih droga	3								3
Neovlaštena proizvodnja i stavljanje u promet op.droga			1						1
Teška krađa	2		6		1	1			10
Krađa			2			1	1	1	5
Razbojništvo			1						1
Šumska krađa	1								1
Lažno prijavljivanje	1								1
Nasilničko ponašanje	1		3		1	1			6
UKUPNO	13		14	1	3	3	1	1	36


C- Prekršaji počinjeni od strane maloljetnika u 2020.godini

Blaži oblici kršenja zakona od strane maloljetnika su prekršaji. Prekršaji maloljetnika se uglavnom odnose na Zakon o javnom redu i miru USK (vika, galama, drsko ponašanje, fizički napad, naročito drsko ponašanje), a manjim djelom na općinske odluke i druge zakonske propise (Zakon o oružju i municiji USK, Zakon o zaštiti od nasilja u porodici i dr.).

U 2020.godini evidentirano je 68 slučajeva narušavanja javnog reda i mira, te je evidentno povećanje za 14 ili 26 % u odnosu na 2019.godinu.

Slučajevi narušavanja javnog reda i mira su evidentirani na području Grada Cazina (36), zatim Grada Bihaća (16), općine Sanski Most (4), općine Velika Kladuša (4), općine Bužim (4), općine Ključ (2), općine Bosanska Krupa (1) i općine Bosanski Petrovac (1).

grafički prikaz broja narušavanja JRiM, prekršaja i počinioaca



pregled broja narušavanja, prekršaja i broja maloljetnih počinioaca sa starosnom i polnom strukturom

	Broj narušavanja JRiM	Broj prekršaja	Broj prijavljenih maloljetnika	POLNA STRUKTURA		Maloljetnici koji se prvi put pojavljuju kao počinioци prekršaja		Maloljetni povratnici kao počinioци prekršaja	
				M	Ž	14-16 godina	16-18 godina	14-16 godina	16-18 godina
Bihać	16	19	26	25	1	2	24		
B.Petrovac	1	1	2	2			2		
Cazin	36	63	63	55	8	16	34	2	9
S.Most	4	6	4	2	2	1	3		
Ključ	2	2	2	2				2	
V.Kladuša	4	4	4	4		2	2		
B.Krupa	1	1	1	1			1		
Bužim	4	6	6	6			3		3
UKUPNO 2020.	68	102	108	97	11	21	71	4	12
UKUPNO 2019.	54	59	61	57	4	26	29	0	6
TREND +/-	+14	+43	+47	+40	+7	-5	+42	+4	+6
TREND %	+26	+72,9	+77	+70	+100	-19	+100	+100	+100

Struktura prekršaja

	NAZIV PREKRŠAJA	Bihać	B.Petrovac	Cazin	S.Most	Ključ	V.Kladuša	B.Krupa	Bužim	Ukupno 2020.	Ukupno 2019.
Zakon o JRiM	Vika, galama, drsko ponašanje	3		12			1		1	17	13
	Tuča-fizički napad	6		30	2	1	1	1	3	44	21
	Naročito drsko ponašanje	3	1	15	2		1		1	23	5
	Ugrožavanje drugog prijetnjom	1								1	
	Konzumiranje alkohola na javnom mjestu	2								2	1
	Nepostupanje po naredbi OSL	2		1	1				1	5	2
	Nošenje predmeta pogodnih za nanošenje povreda							1		1	
	Iznošenje ili prenošenje lažnih vijesti ili tvrdnji										1
	Prosjachenje			2	1					3	
	Nepostupanje po naredbi Kriznog štaba Federalnog ministarstva zdravstva kojom se ograničava kretanje od 23,00 do 05,00 sati						1			1	
	Pisanje grafita	1								1	
	Neovlaštena upotreba oružja			1						1	
	Uživanje opojnih droga			1						1	
Gradska/općinska odluka	Propuštanje dužnog staranje nad maloljetnikom										13
	Ugrožavanje dugog prijetnjom putem SMS poruka										2
Zakon o oružju i municiji	Nošenje oružja na javnom mjestu	1		1						2	1
UKUPNO 2020.godina		19	1	63	6	2	4	1	6	102	
UKUPNO 2019.godina		13	2	23	14	3		2	2	59	

U ovim narušavanjima evidentirana su ukupno 102 prekršaja, od čega 100 prekršaja po Zakonu o JRiM i 2 po Zakonu o oružju i municiji USK-a. U odnosu na 2019.godinu evidentno je povećanje broja prekršaja za 43 ili 72,9 %.

Ove prekršaje počinilo je 108 prekršajno odgovorni maloljetnika (3,1 % od ukupnog broja prekršioaca u 2020.godini), od kojih najviše starijih maloljetnika od 16 do 18 godina koji se prvi put pojavljuju kao prekršioци (71), mlađih maloljetnika od 14 do 16 godina koji se prvi put pojavljuju kao prekršioци (21), 12 maloljetnih povratnika od 16 do 18 godina i 4 maloljetna povratnika od 14 do 16 godina. Po polnoj strukturi 97 ili 89,8 % su muški, a 11 ili 10,2 % ženski počinioци.

Zbog počinjenih prekršaja nadležnim sudovima (Prekršajno odjeljenje) podnesena su 62 zahtjeva za pokretanje prekršajnog postupka protiv maloljetnika (povećanje za 23 ili 58,9 % u odnosu na 2019.godinu).

ZAHTEVAZA POKRET.PREKRŠ POSTUPKA	Bihać	B.Petrovac	Cazin	S.Most	Ključ	V.Kladuša	B.Krupa	Bužim	Ukupno
2020.	16	1	36	4			1	4	62
2019.	8	2	23	1	2		1	2	39

Isto tako roditeljima (starateljima) maloljetnika ukupno je zbog prekršaja počinjenih od strane maloljetnika ili propuštanja staranja o djeci izdato 19 prekršajnih naloga (povećanje za 3 ili 18,8 % u odnosu na 2019.godinu).

BROJ PREKRŠAJNIH NALOGA	Bihać	B.Petrovac	Cazin	S.Most	Ključ	V.Kladuša	B.Krupa	Bužim	Ukupno
2020.				4	6	4	4	1	19
2019.			2	13			1		16

Evidentiran je jedan prekršaj koji je počinilo dijete do 14 godina starosti, a koje nije prekršajno odgovorno (PS Bužim), te je roditeljima izdat prekršajni nalog (propuštanje dužnog staranja o djetetu).

D- Ostale aktivnosti vezane za maloljetničku delikvenciju

Primjenjujući važeće zakonske i podzakonske propise policijski službenici u slučaju devijantnog ponašanja maloljetnih lica vrše obavještanje roditelja (staratelja) maloljetnika, obavještauju Centar za socijalni rad, ako je počinioč učenik i rukovodstvo škole koju pohađa.

Ukupno su pozvana 124 roditelja (staratelja) i svi su se odazvali, te je sa svim obavljen razgovor (više za 20 ili 19,2 % u odnosu na 2019.godinu).

BROJ OBAVLJENIH RAZGOVORA	Bihać	B.Petrovac	Cazin	S.Most	Ključ	V.Kladuša	B.Krupa	Bužim	Ukupno
2020.	21	2	76	6	5	4	5	5	124
2019.	29	1	12	16	3	14	27	2	104

Policijski službenici su sačinili 92 službene zabilješke (više za 22 ili 31 % u odnosu na 2019.godinu) u vezi maloljetničkog prestupništva.

SLUŽBENIH ZABILJEŠKI	Bihać	B.Petrovac	Cazin	S.Most	Ključ	V.Kladuša	B.Krupa	Bužim	Ukupno
2020.	16		49		7	6	5	9	92
2019.	4		17	16	10	14	5		70

Zbog narušavanja JRiM-a policijski službenici su pozvali 34 maloljetnika (više za 7 ili 26 % u odnosu na 2019.godinu).

Od maloljetnika su izuzeti-oduzeti razni predmeti (vatreno oružje dugo-1, vatreno oružje kratko-1, nož-1, pajser-1, gasni pištolj-2, novac-30 KM i ostali predmeti-3).

Kada je u pitanju saradnja sa drugim institucijama, moramo reći da policijski službenici imaju veoma dobru saradnju sa Kantonalnim tužilaštvom USK, centrima za socijalni rad, općinskim sudovima, direktorima osnovnih i srednjih škola, te vladinim i nevladinim organizacijama.

Veoma značajna aktivnost organizacionih jedinica, a u sklopu projekta „Rad policije u zajednici“ su edukativna predavanja mladim iz oblasti maloljetničke delikvencije, vršnjačkog nasilja, zloupotrebe droga, saobraćaja i sl. U promatranom periodu u tri policijske stanice održano je 7 predavanja učenicima osnovnih i srednjih škola na kojim je bilo prisutno 276 učenika. Zbog svjetske zdravstvene, higijensko-epidemiološke krize izazvane Corona virusom, COVID 19 policijski službenici u ostalim gradovima/općinama nisu provodili predavanja u vezi maloljetničke delikvencije po osnovnim i srednjim školama na području Kantona, a u skladu sa odlukama i preporukama Kriznog štaba.

D-Opremljenost i uslovi rada sa maloljetnicima

Iako se opremljenost i uslovi rada za rad sa maloljetnicima koji su specifična populacija poboljšava, sve organizacione jedinice koje rade sa maloljetnicima nemaju posebne prostorije sa potrebnom informatičkom i drugom opremom neophodnom za rad sa maloljetnicima, a što je u skladu sa Zakonom o zaštiti i postupanju sa djecom i maloljetnicima u krivičnom postupku. Samo jedna policijska stanica na kantonu (PS Bihać), posjeduje prostoriju za obavljanje intervjua sa informatičkom opremom koja nije u funkciji zbog kvara na centralnoj jedinici, a što je neophodno za rad sa maloljetnim prestupnicima, ali se očekuje dalje poboljšanje. Sa istima se obavljaju razgovori u kancelarijama, u kojima radi više policijskih službenika.

Kako bi policija poduzimala mjere i radnje sukladno propisima navedenog Zakona, tokom obavljanja intervjua a koji iziskuje audio-vizuelno snimanje, takav intervju obavlja se u prostoriji Odjela za maloljetnike pri Kantonalnom tužilaštvu USK-a Bihać uz prethodnu saglasnost tužioca tog odjela odnosno onda kada se ukaže slobodan termin za obavljanje tog intervjua, što usložljava sami rad policije koji rade na ovim slučajevima kao i samo dovođenje djece i maloljetnika iz sredina koje nisu u Bihaću.

Imajući u vidu navedenu problematiku u vezi opremljenosti prostorija za obavljanje intervjua, potrebno je u što kraćem roku iznaći sredstva kako bi se prostorije mogle adekvatno opremiti u svakoj

policijskoj stanici, a sve u cilju zaštite djece i maloljetnika i implementacije Zakona o zaštiti i postupanju sa djecom i maloljetnicima u krivičnom postupku.

Zapažanja policije ukazuju na nedostatak adekvatnih ustanova za rad sa maloljetnicima, naročito u preddelikventnoj fazi (udomiteljske porodice, domovi za djecu, ustanove za liječenje od ovisnosti, za resocijalizaciju itd.). Sve to ima za posljedicu pojavu recidiva i stvara poteškoće kod primjene Zakona o izvršenju sankcija. Isto tako blage su kazne koje izriču sudovi roditeljima zbog propuštenog staranja o maloljetniku.

IV – OCJENA STANJA MALOLJETNIČKE DELIKVENCije

Maloljetnička delikvencija je društveni problem koji je prisutan i na Unsko – sanskom kantonu. Zapažanja i procesuirani slučajevi ukazuju da je u većini slučajeva izostao potreban nadzor roditelja ili staratelja, tako da je, pored brojnih faktora rizika, nedostatak brige za djecu i najčešći uzrok sukoba maloljetnika sa zakonom. Na stanje se negativno odražava da na kantonu nije razvijena infrastruktura za resocijalizaciju i integraciju maloljetnih prestupnika u društvo.

Analize statističkih pokazatelja ozbiljno upozoravaju i imperativno nameću zadatak i potrebu većeg nadzora i brige za djecu i mladež, naročito u porodici i školama. Mladima se treba više baviti, osigurati im dobre uvjete, prostor i mogućnosti za sport, muziku, igru, zabavu, zdravu rekreaciju i racionalno korištenje slobodnog vremena. Njima treba ponuditi zanimljive i atraktivne sadržaje, maksimalno ih okupirati pa neće imati potrebu upuštati se u činjenje krivičnih djela. Okupiranost mladih dobro osmišljenim, zanimljivim, zdravim i konstruktivnim aktivnostima najbolja je prevencija prijestupništva, delikvencije, devijacija, a dosada njihov najjači uzročnik.

Uprava policije MUP USK-a, tužilaštvo i sudovi za maloljetnike ustaljenom praksom provode represivne mjere i učinkovito obavljaju svoje zadaće. No, kako je riječ o mladima, pretežno učenicima osnovnih i srednjih škola, a da i ne spominjemo djecu (do 14 godina) počinitelje krivičnih djela, koja su, shodno zakonskim propisima, krivično neodgovorna, a njihovo se društveno neprihvatljivo, prijestupničko i delikventno ponašanje može suzbijati i sprečavati isključivo odgojnim i popravnim mjerama iz nadležnosti organa starateljstva ili obrazovnih ustanova, preodgoja, resocijalizacije i rehabilitacije - nameće se i opravdan zahtjev za intenzivnijim, osmišljenijim, organiziranim i angažiranim preventivnim djelovanjem kroz aktivnosti i rad s tom dobnom kategorijom. Za prevenciju poremećaja i usvajanje etičkih normi potrebna je moralna praksa koja se doživljava jedino u zdravim sredinama, na svakodnevnim primjerima moralnog djelovanja svih članova porodice, vrtića, škole i okoline.

Zanimljivo je uporedbom 2020. sa 2016. godinom gdje je evidentno smanjen broj krivičnih djela za 3 (ili 7,7 %), počinitelaca za 10 (ili 20,8 %), mlađih maloljetnika za 4 (ili 44,4 %), starijih maloljetnika za 15 (ili 42,9 %), a povećanje maloljetnih povratnika za 9 ili 100 %.

Dominantni su imovinski delikti koji čine 65 % od ukupnog broja krivičnih djela počinjenih od strane maloljetnika.

Najčešći počinioci krivičnih djela su stariji maloljetnici 129 ili 45 %, zatim maloljetni povratnici u vršenju krivičnih djela 103 ili 36 %, te mlađi maloljetnici 54 ili 19 %.

Za 2020. godinu, u odnosu na prethodnu je karakteristično je da je došlo do smanjenja krivičnih djela za 37,9 %, a broj počinitelaca za 51,3 %.

Smanjen je broj starijih maloljetnika koji se prvi put pojavljuju kao počinioci KD za 17 ili 46 %, mlađih maloljetnika koji se prvi put pojavljuju kao počinioci KD za 24 ili 82,8 %, mlađih maloljetnih povratnika za 3 ili 27,3 %, a povećan je broj starijih maloljetnih povratnika za 4 ili 10 %.

Smanjen je broj maloljetnika koji su lišeni slobode u skladu sa zakonom za 11 ili 78,6 %.

Po spolnoj strukturi 37 ili 97 % su muški, a 1 ili 3 % ženski počinioci.

Maloljetnici se u 2020. godini pojavljuju kao počinioci 13 vrsta KD, manje za 8 ili 38 % u odnosu na 2019. godinu.

U strukturi krivičnih djela počinjenih od strane maloljetnika i dalje su najbrojniji imovinski delikti, od čega dominiraju teške krađe (10), krađe (5) i razbojništva (1) koji zajedno čine 44,4 % krivičnih djela koja su počinili maloljetnici.

Maloljetnici su najviše krivičnih djela počinili na području Grada Cazina (14) i Grada Bihaća (13).

U 2020. godini maloljetnici su najviše krivičnih djela počinili u februaru (9) i mart (6), a najmanje krivičnih djela počinili su u aprilu, august i decembru (po 1).

Počinioci su najbrojniji na području Grada Cazina (17) i Grada Bihaća (13).

Tokom 2020. godine, promatrano po mjesecima, najveći broj počinitelaca evidentiran je u februaru (12) i martu (6), a najmanji u aprilu, august i decembru (po 1).

U 2020. godini policijski službenici su, pridržavajući se odredaba Zakon o zaštiti i postupanju sa djecom i maloljetnicima u krivičnom postupku i Pravilnika o primjeni mjera policijskog upozorenja izrekli jednu mjeru policijskog upozorenja prema maloljetnicima koji su počinili krivična djela.

Ukupno tri maloljetnika su lišena slobode u skladu sa Zakonu o krivičnom postupku.

Nisu evidentirana krivična djela koja su počinila djeca starosti do 14 godina, a koja nisu krivično odgovorna.

U izvještajnom periodu evidentirano je 68 narušavanja javnog reda i mira, gdje su počinjena 102 prekršaja od strane 108 maloljetnika. Ukupan broj slučajeva narušavanja javnog reda i mira je povećan za 14 ili 26 %, ukupnog broja prekršaja za 43 ili 72,9 % i broja maloljetnih prekršitelja za 47 ili 77 %.

Najviše narušavanja javnog reda i mira je evidentirano na području Grada Cazina (36) i Grada Bihaća (16).

Za počinjene prekršaje nadležnim sudovima podnesena su 62 zahtjeva za pokretanje prekršajnog postupka protiv maloljetnika.

Protiv roditelja (staratelja) maloljetnika ukupno je zbog prekršaja počinjenih od strane maloljetnika izdato 19 prekršajnih naloga.

Primjenjujući važeće zakonske i podzakonske propise policijski službenici obavještavaju i pozivaju roditelje maloljetnika te su u 2020.godini pozvana 124 roditelja (staratelja).

Policijski službenici sačinili su 92 službene zabilješke i 6 SPI obrazca u vezi maloljetničke delikvencije.

Posebna saradnja ostvarena je sa centrima za socijalni rad, školama i pravosudnim organima i roditeljima ili starateljima maloljetnika.

Prema zapažanjima među glavne razloge maloljetničke delikvencije spada izostanak brige roditelja ili staratelja za djecu, zatim slabljenje vaspitne uloge škole, te generalno brige, odnosno ne briga države za ovu populaciju, od kojih se jedan dio opredjeljuje za sukob sa zakonom.

Ipak ohrabruje činjenica da policijski službenici vrše edukaciju, koja je vezana za problem maloljetničke delikvencije, u osnovnim i srednjim školama na području USK, a na kojim bude prisutan velik broj kako učenika, tako i nastavnika, profesora, direktora škola, pedagoga.

Od strane RPZ policajaca u 2020.godini održano je 7 raznih predavanja u osnovnim i srednjim školama na području Unsko sanskog kantona sa akcentom na maloljetničku delikvenciju, kojim je prisustvovala 276 učenika. Zbog svjetske zdravstvene, higijensko-epidemiološke krize izazvane Corona virusom, COVID 19 policijski službenici u ostalim gradovima/općinama nisu provodili predavanja u vezi maloljetničke delikvencije po osnovnim i srednjim školama na području Kantona, a u skladu sa odlukama i preporukama Kriznog štaba.

U cjelini gledano stanje maloljetničke delikvencije na području Unsko sanskog kantona u 2020.godini može se ocijeniti dobrim.

V – PRIJEDLOG MJERA

- ❖ Provoditi pojačane, a posebno preventivne mjere, sa ciljem smanjenja maloljetničke delikvencije. Kroz kvalitetnu upotrebu materijalnih i ljudskih resursa i proaktivan rad policije obezbjediti preventivno prisustvo policije na mjestima i u vrijeme kada se krivična djela i prekršaji najčešće događaju, posebno u blizini škola, na frekventnijim raskrsnicama i sl.
- ❖ Kontinuirano provoditi saradnju sa direktorima škola i drugim uposlenim osobljem sa ciljem jačanja svijesti učenika o štetnosti prestupništva, jačanja sigurnosti učenika od svih oblika ugrožavanja, a posebnu pažnju posvetiti edukacijama.
- ❖ Aktivno sudjelovati, ali i inicirati održavanje raznih seminara, debata, radionica, okruglih stolova i sličnih rasprava u okviru institucija pravosuđa, te u krugovima socijalnih radnika, psihologa, pedagoga, prosvjetnih i zdravstvenih radnika.
- ❖ Stanje maloljetničke delikvencije razmatrati i na sastancima konsultativnih grupa po općinama te predlagati dalje aktivnosti sa ciljem poboljšanja stanja i zaustavljanja rasta maloljetničkog kriminaliteta.

- ❖ Aktivno učestvovati u svim oblicima edukacije u primjeni Zakona o zaštiti i postupanju sa djecom i maloljetnicima u kaznenom postupku kako bi se omogućila njegova kvalitetna primjena u okviru nadležnosti
- ❖ Policijske službenike u kontinuitetu slati na kurseve praktičnog rada sa maloljetnicima i stručna usavršavanja.
- ❖ Krivična djela koja počine maloljetnici rješavati kroz multidisciplinarnan pristup stručnih osoba iz nadležnih institucija u skladu sa zakonom.
- ❖ Pored edukativnih predavanja po školskim ustanovama učenicima, organizirati i predavanja za roditelje, te ih upoznati kako u ranim fazama prepoznati početak maloljetničke delikvencije i kako djelovati preventivno.
- ❖ Posredstvom Ministra unutrašnjih poslova USK insistirati na potrebi obezbjeđenja finansijskih sredstva za uređenje prostorija i nabavku informatičke opreme za potrebe oragnizacionih jedinica Uprave policije MUP-a USK, koja bi se isključivo koristila za rad sa maloljetnicima, kao i sredstva za edukaciju službenika za rad sa maloljetnicima.
- ❖ U 2021. godini pojačati aktivnosti u dosljednoj provedbi Zakon o zaštiti i postupanju sa djecom i maloljetnicima u krivičnom postupku i Pravilnika o primjeni mjera policijskog upozorenja. U realizaciju i praćenje ovakvih događaja treba maksimalno uključiti Odsjek za maloljetničku delikvenciju, seksualne delikte i nasilje u porodici.
- ❖ Dosljedna primjena Zakona o točenju alkohola maloljetnim licima i igara na sreću i kretanje djece poslije 23 sata.
- ❖ Povećati nivo svijesti javnosti o pojavi maloljetničke delikvencije i mogućnostima prevencije, intervencije i resocijalizacije.
- ❖ Nastaviti aktivnosti na poboljšanju uslova rada sa maloljetnicima.
- ❖ Sve aktivnosti provoditi uz stroga pridržavanja epidemiološki mjera i naredbi Kriznog štaba.

Obrađivač: Alagić Jasmina

POLICIJSKI KOMESAR
Generalni inspektor policije

Mujo Koričić

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona”, broj: 9/17), na prijedlog Ministarstva unutrašnjih poslova, Skupština Unsko-sanskog kantona na sjednici održanoj dana _____ 2021.godine, donosi:

ZAKLJUČAK

I

Prima se na znanje Informacija o stanju maloljetničke delikvencije na području USK za 2020.godinu.

II

Ovaj Zaključak stupa na snagu danom donošenja.

Broj: _____
Dana: _____ 2021.godine

Zamjenik predsjedavajućeg
Skupštine Unsko-sanskog kantona

Razim Halkić